



四庫禁燬書叢刊編纂委員會

北京出版社

四庫禁燬書叢刊

# 集部第三一冊目次

鏡山庵集二十五卷(二)

〔明〕高出撰  
明天啓刻本

一

吳文恪公文集三十二卷附錄一卷

〔明〕吳道南撰  
明崇禎吳之京刻本

二八七

鏡山庵集二十五卷(二)

〔明〕高出撰

明天啓刻本

北京大學圖書館藏

山中識遺稿序

山中稿者自癸卯冬十月迄丙午冬十二月凡三年餘余讀禮山居之作也甲辰四月奉先府君諱後廢詩者年餘詩於丙午年獨多以屏居深山却掃絕緣玄泊幽棲一惟寄適於吟詠故尤富擬古之什效阮嗣宗詠懷卽數十首今皆亡之矣手稿五六卷行必以隨而無副本在吳門擬與盧隱郎潛二集同授梓偶以繕校未定而止暨遼之役家人同他文盡置篋中余在遼二年未啓也悲夫展

鏡山庵集 卷之九

轉餘息居請室者數年偶尋記舊詩殆不能十一二輒復錄存有記全首者有記數語稍意得不忍棄復以一二語足之者又長篇鉅什皆無能憶而僅存其寥寥者緝綴之劣得一卷名曰識遺嗟嗟雕蟲小技壯夫不爲古人且悔其少作余晚始學道尤不宜以綺語累心而於此結習獨深至不能忘情於殘言賸句雖其心良苦竟復何用豈待異日而後覆瓿哉丙寅冬日高出題

鏡山庵集

山中識遺稿一卷目錄

雜體詩一百三首

十二月一日迫 觀期別老父北上

寄光道中 蒲臺道中

過滄州

甲辰人日立春遣愁一字起十二字止

沈武選太玄老師召飲命賦

上計蒙 恩左調感賦十二韻

鏡山庵集 卷之九

卽事 感春懷古

同趙季卿修撰閔允脩吏部遊高梁橋二首

同張玉田望 北臺六韻

補官距京二百里余懷歸命駕東還感賦

出都門閔允脩吏部張聖標金吾餞送言別

奉荅短歌

四月一日東發途次湯述二首

悲恨歌五首

哭亡友胥比部渙之春抄開渙之詩屬于東

還後先子遺稿卷之九 今以開九月

作哭與之詩

閏九日夕孫宇懷孝廉過我索賦二首

辱牛季章劉敬仲遠書慰唁兼及新事輒用

感懷賦答

寒食

大水嘆

雨後自城還鄉中夜始達作

贈棲霞縣范尉枉吊君曲周人昔以功曹給

事予者二首

秋晚送王子五言二絕

又七言二絕

閒居感懷

冬日雜詩三首

乍雪二首

恭聞 康詔覃赦及撤稅使喜賦

丙午元日

春日遊鏡山庵四首

後遊鏡山庵作

春閨曲二首

雨中過嵩山寺不見一人二首

鏡山庵再題二首

初夏適野

春日東山道中

望海二首

首夏卽事二首

鏡山庵再述

遊烟霞道中二首

烟霞登覽感賦三首

九龍池

自烟霞返路遊皇山庵

贈彈琴瞽者袁子

贈平子

登望石山

夏日卽事

少年行

西園行

夏日閒題四首

月夕螢火

初秋悲感八韻

秋懷五首

古意

秋晚自鄉赴縣道中作

道遇獵者賦八韻

中庭栽四松樹

冬日山行卽事

十一月十四夜月

十五夜月

十六夜月

是月二十大雨夜注不冰

杪冬嵩山寺二絕句

感興效陶體六首

明妃詞二首

鏡山庵集卷之九

山中識遺稿

海上無無居士高出孩之著

雜體詩一百三首

十二月一日迫

覬期別老父北上

本借觀事歸

省僅旬餘即行痛割可知

高堂侍病父方旬忘寢興嚴程迫行邁悲淚潸毀

膚淚痕不及枚覆面縷爲冰短日凍不住瞥眼如

無憑仰觀羣翔鳥翩翩若引繩海鳥集復叫北風

鏡山庵集

卷之九

凜戰兢王事敢即安旅食半夜燈步步回我頭游

子惟自憎

壽光道中

昏黑不辨人聞語知異縣車轍深沒脛蹊徑從橫

變狐穴陰火然魚鬐層冰纏村犬如豹嘯雪花時

一片行役那云休徒爲居者羨況聞此道險逡巡

路旁眴方信浮生理在貴不如賤老父戒垂堂思

之淚如霰

蒲臺道中

悠悠大清河東流疑無地疲人筋骨駿馬上淚盈

昔水濱口併僵指直屢失轡野樹多卑枝羣鳥集

廢寺沙虛鳥跡驗路危石闕記漠漠海風飛茫茫

無所視孤村翳林莽燈火如鬼魅近身依僮僕中

夜那得睡早逢鄉里人平安寄數字遊子日日悲

安得不顚顚

過滄州

驅馳已涉旬早起衣帶約內手不出袖皸瘃每收

昨滄瀛渺浩蕩雲物爭棲泊歲暮各有歸我生獨

鏡山庵集

卷之九

靡託冰雪薄日暉翩翩東逝鵲驚沙飄復聚思馬

澁哀壑循環念老親心動常淚落始試行路難對

酒誰能酌

甲辰人日立春遣愁一字起十二字止

春佳辰日逢人菜盤傳勝梅枝灼新帝京繁盛

日樂方難具陳思心耿無寐驚呼高堂親鶴髮漸

蘓不寒念兒唇燥口乾春至人和事暢喜望加飯

康安少年得志真不幸徒悔童心宜有肯狂態何

湏待吹毛吏議從甘非射影沾沾寧喜其所自謀

對人輒用俯仰爲羞浮生汨汨如東逝之水虛名  
汎汎如不繫之舟交何必款屈輦而幕平津遊何  
必朝朱邸而暮紅樓君不見荆卿漸離田光皆隨  
白虹收而我如此磊塊抑塞又復何求

沈武選太玄老師召飲命賦

典刑師友列曠達酒尊前  
棄葉聽歌緩梅花隱座  
鮮勝情憐費日雅會待談天  
醉後扶騎馬春星暎  
臉懸

上計蒙 恩左調感賦十二韻

鏡山房集 卷之九

三

課吏原非任憐才謝薄懲向來行拂亂虛尚氣凌  
嶒嶒拙寧無罪西南未得朋  
早囊封事薦藻鏡品  
題稱時方辱巡方楊按臺之薦卽中考功法敢謂流言誤其如傲骨  
增栽培信慙負頑鈍久因仍  
狂簡於同異分明病  
愛憎幾先思塞老識寡戒孫登  
時命才相妬文章  
崇有憑盍簪千占慕脫屣一官能  
啜菽無餘願誅  
茅及力勝遂初從此逝誰更問青蠅

卽事

寂寂襍被坐春衣那更加二月廿有七素雪灑寒

葩盧龍連紫塞寒食柳初芽  
天地回溫遲此事非  
有他古寺栢翠黯御河水  
白華塵中覺一靜耳畔  
聞啼鴉無客詩獨吟無錢酒  
且餘眼前誰得意浮  
生何用嗟

感春懷古

山擁薊丘古昭王今逝哉  
汶篁那復植磨室久爲  
灰雲物明堂盛乾坤王氣回  
九陵天上出萬國日  
邊來淑氣偏相媚祥風徐有  
媒衣冠瞻北極歌詠  
想南垓水綠深宮晝天青  
野寺開苑花自飄落省  
樹靜徘徊每訪荆卿市難尋  
郭隗臺羈人縱步履  
黃鳥不相猜

鏡山房集 卷之九

四

同趙季卿修撰閔允脩吏部遊高梁橋二首  
數月不出門何知草木蘊  
眷言命矜契春風慙挈  
壺西郊豁天宇空碧開鏡  
湖荷葉田田綠  
啜萍隱  
鷗鳬忽覩行雲住歌聲過  
湏臾西山爽氣映細栢  
與新蒲雜遘遊騎過青驄  
耀纖軀旁人試借問或  
是霍家奴

二

芳草旣萋萋白雲何洩洩流水杖底過宛轉如幽咽遙望樓中人肌膚瑩玉雪鼓瑟陌上桑春林響應節有客又有酒佳時若爲設年華苦相迫已恐聞啼鴉長歌復三嘆陳迹何煩說請看轉盼間誰能不分別

同張玉田望北臺六韻

遊豫前王事靈臺北斗懸雲端來鳳吹花裏度龍船虎豹開天囿虬螭臥御淵聖人憑玉几侍女捧珠筵恭默聞聲靜安危察影權小臣頌鏞簋

範山房集卷之九

皇矣格重玄

補官距京二百里余懷歸命駕東還感賦

遊子久不歸失計中懷痼一官是何物栖栖徒自悔浩蕩春風過芳草若相待因風吹我思飄飄落東海北山採薇蕨空谷攀蘭茝松聲鳴琴瑟時訪幽人在高堂一日歡及少宜編綵疑誤平安信去往臨岐收脉脉獨無語含意向千載

出都門閑允修吏部張聖標金吾錢遂吉別

奉荅短歌

楊柳紛紛馬首垂馬嘶睠顧如有思出門回頭自心失二子追餞傷別離臨岐笑語聊一坐歸去清時計寧左不爲避人非玩世其柰遠遊真未可高山流水意寂然白石青松久待我海上從覓神仙侶不爾儘饒樵漁夥一杯酒同聲歌天上故人誰更過君不見眼前茫茫無柰何送我二子有足多

四月一日東發途次湯述

正月日有食倉皇爲客星連年此一異四海自常

寧癸甲丙歲皆四月朔日有食之鳥啄道旁樹鷗遺波上翎搖搖

範山房集卷之九

心不極馬上夢椿庭

二

樹色斜陽欽河聲曲岸長棗爭花葉細交拂浪紋香逆旅邀看劍高賢隱賣漿遠行識幽興回首已茫茫

悲恨歌五首

母考生我家不競卜云害母母卽病三歲痘瘍已無活誰令再甦良非慶六齡慈親果背棄彷彿嚙背心肝逆何不子死延母命嗚呼一歌芳悲恨長

呼天不應北風涼

二

父兮鞠我兼母慈自小尿溺親提持夜臥腹上日  
在掌出就外傳憐兒癡憶童子試入城時晝睡起  
竊覓爹啼胡爲漸長多識知童心翻與年俱馳嗚  
呼再歌兮悲恨集白日不待嗟何及

三

喟予二十早成名父垂古稀娛老情來日苦短予  
不念若將終身奉容聲雖微報續馳 恩榮何曾

竟日居集

微展色養誠疎脫任性多忤世父慈不言心自忤  
到今思之慙悔灰自捷流血淚徒傾嗚呼三歌兮  
悲恨永終天何極形弔影

四

初歸十日絕裾別再歸十日父永訣視含實感皇  
天恩倉皇但有肝腸絕問予正月胡不歸失意憤  
亂神志劣真不如灰之久矣灰又何贖人理滅嗚  
呼四歌兮悲恨深天風爲我助哀吟

五

我父臨終遺言猶在耳四子眼前願足矣惟念兒  
出尙乏息地下懸懸只有此嗟予保身久不淑蹉  
跎年少東逝水貽我堂構庇風雨孤露悽惶不敢  
灰嗚呼五歌兮悲恨極窮海陰吼白日匿

歲甲辰四月先君子亡於我生之日五歌作於是  
年之秋時予方二十六歲耳越二十有二年歲在  
丙寅予於獄中追錄前詩時四十八歲矣猶尙在  
無子嗣先君子地下之目豈得瞻哉予實少嗜  
慾致身多疾病雖百計求子而不可得也不孝之  
罪上通於天謂一氣足贖乎而又以遠事之役陷  
身危法僂辱俟盡但祈灰焉使彼遠左之  
有友人止予云子不宜往試使令先公而在前聽  
子此行哉予以簡書驅迫不能從也今身灰不得  
爲臣而心灰不得爲子每一思及而踴躍自絕天乎  
竟日居集

于遂至此極也因附記之使千秋百  
世後深知予罪而諒之以是自討也

哭亡友胥比部渙之春杪聞渙之訃屬予東  
還值先考之變不及爲哀乃今以閏九月

作哭渙之詩

斯人竟不起惻惻慟沉綿造化固如此名賢誰免  
焉妖看跨虬日忌驗值龍年美少早已矣乾坤長  
寂然原荒鵠鵠痛壘趾蓼莪偏 渙之方居父喪又  
先兄弟空聯璧明知盡廢絃癰疽憎曠達禮樂壞  
周旋未就三都賦曾無二頃田恒饑借俸米苦召

買書錢夢裏驚悲面清時憶比肩脩文猶借鬼談  
易或疑仙玉樹埋真惜琪枝種自鮮高才逢百六  
浮世任三千憑吊西風後霜淒宿草前漢之病而  
傷骨碎灰  
年僅二十八子數歲初尚  
有望也今聞其不復張云

閏九日夕孫宇懷孝廉過我索賦二首

茱萸逢閏九郊野聚寒烟晚色來松雨淒聲激竹  
泉黃花傳客嗅明月好誰眠忍問登高事依遲白  
帽偏

二

鏡口歷集 卷之九

佳節餘前後淒涼不爲寒徑迷惟落葉座接近芳  
蘭山鳥依檐宿淅雲俯戶看野人供棗栗上客與  
盤桓

辱牛季章劉敬仲遠書慰唁兼及新事輒用

感懷賦答

居廬歲序迫蹉跎忍問諸生廢蓼莪雙鯉遠傳時  
事異羣鷗還比故人多予知不可長已矣爾獨相  
憐無奈何病骨莫教僮僕認非閑白眼且遭訶

寒食

清晨不出門蕭灑一孤村鷓鴣隨耕啄饑鳥逐祭  
喧禁烟生菜美重霧艷花昏野色淒將暗溪聲咽  
似吞麻苴那更白饘粥未湏溫每惜青青竹常留  
淚臉痕

大水嘆

乙巳維歲夏六月懸雨十日鳴不歇黑蜩騰閃目  
晴過陽侯鼓舞田間發蚤起登城望水頭勢與城  
平城又闕人家交積登塲者浮流狀如千尺筏犬  
猶跳擲嗥其上旋歸東海濱吏沒牟犂盡化爲飛  
蛾萬竈無烟猶跪跪濤聲砰礧維哭聲是人非耶  
露披髮一日無食莫湯嗟驕雲何意借龍蛇未得  
乘槎問天漢小人多分變虫沙

鏡口歷集 卷之九

雨後自城還鄉中夜始達作

積雨日色濕平寒陰陽疵此事閔鼎禹燹調人得  
知我室安穩未飄飄當苦饑欲歸無故路客顏如  
地皮馬蹄涉水穿鞭策竟何施賴其馴與智擇道  
以爲師泥淖每及鞍臥伏足不垂入夜益驚怛熟  
徑逢樹疑村大聞人吠我馬嘶應之燈火旣已寂

叩門久應遲二僕黑捫摸扶下僵如癡狼籍婢子  
睡呼起拭眼瞋尙有一束薪然之仍爲炊家人相  
慰勞夜行定非宜慙愧謝其意艱險胡爾爲辛苦  
鷄既鳴解衣魂夢馳

贈棲霞縣范慰枉吊君曲周人昔以掾曹給

事予者

深雲匹馬訪山莊秋色遙憐漢范滂畫諾故人君  
可憶殷勤白帽自登堂

二

鏡口序集

卷之九

二

悵憶周旋久不聞片時勞苦淚紛紛萊蕪小吏人  
歌誦可但當年范史雲

秋晚送王子五言二絕

爾行千里道把贈萬山雲此物貧家有悠悠遣送  
君

二

孤劍挂西風斜陽猶在嶺瘦馬渡寒水蕭蕭時見

影

又七言二絕

社燕泥乾野鵲飛淒清霜露送將歸此行處處寒  
砧急想得途中遇寄衣

二

西行縞月背人圓回首滄波路渺然惟有秋風吹  
面淚道傍衰柳伴相憐

閒居感懷

山中忘歲月始覺霜露靜投閒託主恩大事遇  
天幸禮數既多廢形骸益無整不時着長衣客至  
暫深屏與兄更服揖久坐共啖餅落葉堆墻隅青

鏡口序集

卷之九

二

松被連嶺曠然冥至理誰謂在人境心跡信如然  
千秋託箕穎

冬日雜詩

寂寂空村裏依依一徑微朝霜晞版屋短日過柴  
扉狗吠寒山應鳥啼凍雪飛問誰頻舉火卒歲嘆  
無衣

二

室家喜安堵負日且支頤兄弟惟更僕鄉隣熟小  
兒空塔沿鳥跡短屋接雞埘歲晚宜棲逸浮名何

用知

三

海色隱前見松聲戶外呼牛羊蹄欲暝鳥雀集於  
枯失計資逢世中材涉畏途文章還自厭不擬論  
潛夫

乍雪

驟雪遽到榻寒牕鳴北風浮雲那可辨鴻鴈在其  
中

二

危坐數簷花玉琴冷清聽幽人誰得來早已迷三

徑

恭聞慶詔覃赦及撤稅使喜賦

淵微上意久無言重潤欣開少海源中使做裝  
還漢禁聖人祝網沛湯恩卽湏補衮煩賢宰莫  
漫求衣待至尊草土微臣喜還泣萬方何有報

皇孫

丙午元日

五更破夢五雲班佳氣徘徊霄漢間行輩漸尊親

族拜鄉隣不改歲年還星河澹澹延新夜松栢依  
依繞故山轉益淒涼向妻女自憐多病雪如顏

春日遊鏡山庵四首

躡屐二三里烟絲風乍飛松鱗日褪老萊甲雨新  
肥避弋鳥知處休耕牛自歸道人無一事不待問  
忘機

二

幾樹梨花白分雲片片輕遠峰飛黛色當戶竊脂  
聲何用杯中物惟宜世外情好山不須買早辦荒

鏡口厓集

袁營

三

海上天疑盡山中日懶斜物情欣雨露春事及桑  
麻飛絮圓依馬垂蘿倒接蛇白雲連島嶼一半在  
人家

四

樹外茶烟暝泉間竹徑迷集鴉哺子坐歸馬別羣  
嘶石憶披衣跡山畱策杖蹊松花近相送谷口不  
須携

後遊鏡山庵作

野人相爾汝此地本忘形竹外雲常白溪南草舊青  
風塵天未遠雷雨日東冥肥遁真無事松根斲茯苓

春閨曲

美人倚欄望新月如指甲却照蛾眉顰臉痕紅一  
指

二

誰家白馬郎傍簾驚半面牽迴馬上心是妾手中

鏡山歷集

卷之九

一五

線

雨中過嵩山寺不見一人

西峰依咫尺翠色滴陰濃藤蘿山門網苔花野徑

封胡元前代寺追蘇百年鐘雲雨諸天內啾啾叫

鉢龍

二

自小讀書到冬餘曾二旬莓苔隨像設風雨又驚  
塵海印牟尼色山空楊柳春滿庭奔蜥蜴寂莫更  
無人

鏡山庵再題

五色無名鳥啼聲杖屨傍林間聽似秦花底著爲  
忙只待櫻桃熟應無燕雀防多嬌采桑女佇立一  
傾筐

二

日長松下臥風細薄陰遮乳雉馴無畏流鶯惱故  
譁衣裳濺野水魂夢化飛花不分華胥國人間得  
似耶

初夏適野

鏡山歷集

卷之九

一六

朝曦時倚杖烟淨柳陰交百畝將秋變三重小築  
茅黃鸝頻共語翠鳥偶來巢耕鑿原吾分何須擬  
解嘲

春日東山道中

春行清曉接氤氲匹馬時逢牧犢羣藥草問人知  
種種堯花媚客故紛紛丹欣海鳥文如畫白見靈  
蛇氣吐雲不哭途窮還與盡逍遙好訪櫻丘君

望海

西枝抱日上扶桑一氣虛浮瀕洞光幻市忽憑雲

雨應驚潮幾閱古今長空音如聽天鷄唱遠影惟  
瞻玄鶴翔千載成山橋畔石鬼神猶自弔秦皇

二

神魚吹沫湧潮呼湧賦觀濤愧大夫王母招邀青  
戴勝仙人耕種赤珊瑚空傳漢主頻登望不識任  
公術有無遠憶東方苑又熟難教天地歲星孤

首夏卽事

神會四月八空城朝海廟倉皇誰早還大火如聞  
叫

鏡口歷集

卷之二

二

二

日夕出門望晚炊待樵者山中被狼逐棄擔歸來  
也

鏡山庵再述

采藥北山趾躋危益緣上俯窺萬松梢疊浪平如  
掌白雲足底生風斯在下響海色與天同咫尺猶  
莽蒼安見神仙窟蓬壺又方丈嗟予磊砢人骨相  
但草莽安此作紀堂性狎樵牧長春夏草木榮朝  
夕烟霞朗得意自忘言一笑凌森爽

遊烟霞道中

夙負烟霞疾家山况接隣崑崙闔奔走滄海避嶙  
峋度馬雲中立聞鶯雨外頻平生禽向願幸不問  
迷津

二

春色離人境繁花過盡飄鑒空幽討入轉遠勝緣  
招大蟻封文壤靈蛇護藥苗山中殊氣候四月早  
鳴蜩

烟霞登覽感賦三首

鏡口歷集

卷之二

一八

佳山亦非遠承尻氣繚繞躋攀意已愜徙倚長松  
標庶幾安期生遇我於縹緲但見青冥海如盆  
盎小從來仙跡幻有化爲飛鳥人間自不識松喬  
夫未少夜半聞天鷄虛房如清曉古觀雙銀杏百  
圍怒天矯置身雲物上扶桑影嫋嫋天地幾窮哉  
劃然解世表

二

北方無杜鵑胡爲來此間似是仙帝魂遠遊愛名  
山其形喜深隱春夜啼血殷飛棲必高樹月照稍

斑斕到今三十載路遠未能還隻影自哀訴得不  
怨長鰥秋冬遂無聲何所乃休閒憐爾獨伶仃爾  
來想閒閨亦如客遊子誰復保朱顏仙真能變化  
羽翼儻可攀

三

神仙古多好虛無誰竟知捫蘿叩石扉時得壁間  
詩脩蛇見不驚隱見傳其奇喧蟬亦噪聒異草能  
葳蕤欲試服食法辟穀常不饑一慙落霞石巨靈  
爲劈之煮石如瓊糜割霞如紅帷飄然便輕舉臭  
鉅口唇集

腐忽若遺眼底漏日月美門遠相追蓬萊既清淺  
山中鳥獸悲

九龍池

山巔俯山腰貫珠垂璇源却從山足遶薦蘿及攀  
援五池懸削壁其四手可捫云是渾沌時仙女洗  
頭盆盈洞無人見淅響風雷奔始從灝氣歎旋接  
玉乳翻塵襟稍一濯灑然灌頂門居獨遠烟火四  
顧絕荒村

自烟霞返路遊皇山庵

竝海無凡山烟霞與霏微沿洞泝溪源白鳥隨人  
飛清露戀珠樹日午猶未晞瓊田秀神芝蘭氣襲  
我衣節序雖變夏不得奪芳菲曠衍延諸峰點點  
還依稀仙踪何用覓愴然遂忘歸

贈彈琴瞽者袁子

當今有師曠妙解審音律廢形不役心又似合道  
術爲我操漪蘭清風馥閒室每聽爾談諧數能起  
我疾約爾相伴隱惜非年少日老眼收風淚面皺  
涕淚出流光不相待余未世緣畢願得早抽簪山  
金川集

中共采木

贈平子

平子何處家海濱慣爲客志期畢婚嫁生見纔一  
尺混跡同市人塚宅術亦僻時醉里婦傍嘔噦遭  
瞋擲久忘我非我聊復適人適却笑馮生輩勞勞  
坐自惜

登望石山

孤巖不託根秀色攬朝暮時逢白鶴歸亦有寶花  
雨高疑帝座通澗讓他山露我來一長嘯羣峰盡

同顧澤暑何微茫下界平莽互遐矚嫌形穢因之寥廓慕

夏日卽事

密柳陰陰覆圃畦喬聲無賴亦黃鸝蠶餓輒動山  
葵色交熟差寬穉子啼巷短有時過放馬農忙見  
喜趣隣鷄吟詩乍倦還搯枕夢遇仙人玉手携

少年行

少年騎騁章臺畔小兒羣逐金丸散有時自稱張  
公子玉鞭指點佳人喚晝長醉眼且酣眠綠陰欲

龍川集卷之九

斜白馬汗折花解珮贈心魂臨行遺之錦繡段

西園行

西園五畝斜開扉井水不甘菜不肥野籬自長卷  
施草上有雙白蝴蝶飛微雨初過蚯蚓唱清音遠  
戶如相依桔槔自引數畦漑喘汗工力何其微於  
陵仲子能自食漢陰丈人聊息機古今是非無用  
問在家方信不如歸

夏日閒題四首

農夫多在野盡日少人過夏隴陰晴雨山溪斷續

河多烟歸白鳥淺浪浴黃鵝靜裏窺真趣浮生不  
用多

二

自得丘中隱山空應奏琴天清雲聚散海碧島浮  
沉苦厭蜩蟬沸如期蟋蟀吟幸緣辭物役已覺了  
身心

三

物化連昏曉遷流越見聞蜨蝦思委蛻了了早成  
蚊有待濡蝸竭虛憐負蠟勤觀池聊徙倚冉冉忽

龍川集卷之九

生雲

四

潦水野雲出近山新菌多文蟻苔澗響山澗水中  
有小蟻丹  
腰黑文其音幽遠如蟬俗名山狗云潜蚓在庭歌幽事攤書曬情人  
載酒過東溪清淺瀨耿耿下明河

月夕螢火

西生初月淨新秋螢火輝輝傍檻流露下卽防沾  
濕重天清故愛往來遊應憐小苑三星夕別有誰  
家百尺樓莫向流黃機上過照入寂莫却添愁